

তারবার্তা
বাংলাব্যাংক

বাংলাদেশ ব্যাংক

প্রধান কার্যালয়

খাকা ।

অফসাইট সুপারভিশন ডিপার্টমেন্ট

ওএস সার্কুলার লেটার নং-০২

১৪ মাঘ, ১৪১০
তারিখ : -----
২৭ জানুয়ারী, ২০০৮

চেয়ারম্যান
পরিচালক পর্ষদ
বাংলাদেশে কার্যরত ব্যাংক সমূহ
খাকা ।

প্রিয় মহোদয়,

বেসরকারী ব্যাংকের পরিচালনা পর্ষদ ও প্রধান নির্বাহীর দায়-দায়িত্ব ও জবাবদিহিতা সম্পর্কিত বিধি-নিষেধ ।

উপরোক্ত বিষয়ে ব্যাংকিং প্রবিধি ও নীতি বিভাগের ২৪ জুলাই ২০০৩ তারিখে জারিকৃত বিআরপিডি সার্কুলার নং ১৬ এর নির্দেশনার প্রতি আপনার দৃষ্টি আকর্ষণ করছি ।

উক্ত সার্কুলারের ০৪(ঘ)অনুচ্ছেদ অনুযায়ী প্রধান নির্বাহীর দুই ধাপ অধঃস্তন ব্যতীত অন্য সকল স্তরের কর্মকর্তা ও কর্মচারীর নিয়োগ ও পদোন্নতি সংক্রান্ত ক্ষমতা প্রধান নির্বাহীর উপর ন্যস্ত থাকবে । অনুমোদিত মানবসম্পদ নীতি ও জনবল মঞ্জুরীর ভিত্তিতে অনুমোদিত চাকুরীবিধি মোতাবেক প্রধান নির্বাহী এ সকল ক্ষেত্রে সিদ্ধান্ত গ্রহণ করবেন । তাছাড়া প্রধান নির্বাহীর এক ধাপ অধঃস্তন ব্যতীত অন্য সকল স্তরের কর্মকর্তা ও কর্মচারীর বদলী ও শাস্তিমূলক ব্যবস্থা গ্রহণ সংক্রান্ত ক্ষমতাও প্রধান নির্বাহীর উপর ন্যস্ত থাকবে, যা তিনি ব্যাংকের অনুমোদিত চাকুরীবিধি অনুযায়ী প্রয়োগ করবেন । পর্ষদ বা পর্ষদের কোন কমিটির চেয়ারম্যান বা কোন পরিচালক এসব ক্ষেত্রে সংশ্লিষ্ট হবেন না বা হস্তক্ষেপ করবেন না ।

সম্প্রতি লক্ষ্য করা যাচ্ছে, কোন কোন ব্যাংক উক্ত সার্কুলারে বর্ণিত নির্দেশাবলী যথাযথভাবে পরিপালন করছে না । ব্যাংকের সকল স্তরের কর্মকর্তা কর্মচারীর নিয়োগ, পদোন্নতি, ছুটি অনুমোদন ও শাস্তিমূলক ব্যবস্থা গ্রহণের বিষয়সমূহ ব্যাংকের পরিচালক পর্ষদে/নির্বাহী কমিটিতে উপস্থাপিত হচ্ছে এবং পর্ষদ বা নির্বাহী কমিটি এসকল বিষয়ে সিদ্ধান্ত গ্রহণ করছে, যা বাংলাদেশ ব্যাংকের উপরোক্ত সার্কুলারের লংঘন ।

এমতাবস্থায়, বিআরপিডি সার্কুলার ১৬/২০০৩ এর নির্দেশাবলীর যথাযথ পরিপালন নিশ্চিত করে আমাদের অবহিত করার জন্য আপনাকে অনুরোধ করা হলো ।

আপনাদের বিশ্বস্ত,

(মোহাম্মদ মোস্তফা)
মহাব্যবস্থাপক
ফোন : ৭১২০৩৭৬